

## **Le some de Dolasila sön Fanes**

Tratan le concert – evënt gnará la liënda de Fanes presentada artisticamënter en simbiosa cun i corusc primordiai dla natöra dles muntès daola che al é la ambientaziun dla cuntia, danter les üties de Fanes, Lavarella, le Lech Vërt y le Parlamënt dles muntagnöles. Susy Rottonara ciantará y sonará al clavier süa musiga premiada a nivel internaziunal fora dal spettacul multimedial Le some de Dolasila tl cheder dla presentaziun dla cuntia mitica da pert dla Lia Culturala Fanes.

La pert musicala pita al publich na incuntada danter l'avëi cultural antich dles liëndes ladines y la tradiziun operistica, cun la cuntia interpretada dal punt d'odüda dla protagonista Dolasila. Le focus dla presentaziun sará chël da porté dant al publich les tematches classiches che vëgn dant tla liënda y che é particolarmënter atuales. En particular é un di obietifs dl proiet Le some de Dolasila chël da sottrissé la potenzialité dla musiga y dl ert por porté a na riflessiun sön l'importanza di sentimënc, dla pesc y dl vire en armonia cun la natöra pian ia da na cuntia mitica. Ince le conzet de belëza ciafa na lerch importanta tl proiet, cun la ambientaziun naturala dla liënda che porta le publich a se vire ite deplëgn tla atmosfera affascinanta dla cuntia.

I contignüs dla liënda gnará portá dant te de plü lingac y al gnará ince porté dant l'ativité dla Lia Culturala Fanes, che da passa 10 agn inca se dá jö cun la promoziun dles liëndes ladines tres l'organisaziun de ativités culturales desvalies.

.